

Exclusivo...exclusivo...exclusivo...

PRONTO ARUBA LO YAMA BON BINI NA UN RADIO EMISORA NOBO...MAGIC 96.5 FM..

Fotos y Texto : Poets.

DEN AMBIENTE



**** DEN AMBIENTE a gara e djnan Magico di MAGIC FM 96.5, Gen, Traxx y Erin Croes den pleno trabao pa complementa e ultimo facetanan pa e gran apertura di MAGIC FM..**

**** DEN AMBIENTE** den caracter di primicia y exclusividad tin e honor awe pa publica e noticia cu ta confirma cu pronto Aruba lo sera conoci cu e emisora pa e curason joven "for the young heart", cual lo ta e lema di e radio emisora nobo MAGIC FM.

DEN AMBIENTE a realiza un entrevista breve cu e popularisima locutora Erin Croes, kende e aña aki su soño lo ser concretisa cu realidad di su propio radio emisora. Erin Croes a relata na DEN AMBIENTE cu tur preparacion ta andando y por bisa cu ya e edificio ta kendando cla y lo ta e prome radio riba e caya principal di Aruba esta Caya G.F. Betico Croes #64. Renobacion ta tumando lugar actualmente den full swing, oficina, studio nan y ta den e fase final di preparacion y ta sperando yegada di equiponan pa e radio nobo aki.

MAGIC 96.5 FM ta un emisora cu ta ser prepara pa mas cu un aña pa un team di personanan cu tin hopi experiencia riba e tereno di radio difusion y lo ta bao direccion di su propio persona, asina e simpatica locutora/directora di MAGIC FM a declara na DEN AMBIENTE.

Despues cu Erin Croes a labo- ra pa mas di 11 aña na Canal 90 FM, el a ricibi e oportunidad pa cuminsa cu su propio emisora y a gara e oportunidad aki cu dos man. Pero naturalmente esaki no a sosode sin e guia di expertonan den e ramo di mercadeo cu ta e famoso compania Moret Ernst & Young, Sr. Koos de Windt hunto cu Sr. Humprey Tromp, a realiza un estudio profundo

di nos mercado local y cu a mira cu tin prospectonan sumamente positivo pa e radio aki, mirando e ideanan cu ainda no tin na Aruba cu tin tras di e proyeccion pa dicho emisora.

Alaves compania CATC di Sr. Reint Roossien, ta esnan cu ta guiando e proseso financiero di MAGIC FM, pues pa ilustra cu ta un proyecto di radio hopi bon prepara den tur aspecto. E ta un proyecto masha grandi y riba nivel hopi moderno, cu equiponan sofisticada y lo ultimo den tecnologia radial.

Por menciona cu e banco First National Bank ta e banco principal cu ta financiando gran parti di e emisora aki. E concepto di MAGIC FM ta pa ofrece Aruba un radio riba un nivel sumamente profesional y cu un programcion moderno y completamente diferente y varia cu loke nos ta custumbra aki na Aruba, un Erin Croes hopi optimista ta expresa.

Mas aleu e dinamica dama ta expresa cu e lema di e radio aki ta papia pa su mes "PA E CURASON HOBEN", pues pa tur esnan cu ta sintinan mes hoben y cu ta gusta programacionnan riba un nivel moderno, cu musica y entretenimento. **TEMA DI MAGIC FM.**

E personanan cu ya a confirma cu lo ta parti di e equipo aki di MAGIC FM no ta figuranan desconoci, e.o. Ruben "Traxx" Trappenberg kende actualmente ta ankerman na ATV lo tin e parti di noticia den su man hunto cu un team di personanan profesional tambe den e ramo di noticia.

Tambe Gerald "Gen" Bisslik, lo cubri e parti atardi di e emisora y lo transmiti e popular Top di Aruba cu ta "Aruba Mega Top 30" tur diasabra.

Un Erin Croes hopi entusiasma ta sigui relata cu MAGIC FM lo ta introduciendo tambe figuranan nobo den radio, e.o. e famoso dj Yeimy cu ta experto den mescla y cu ta laborando na Whiskey Roadhouse Cafe, lo ta drentando tambe den e mundo Magico di Radio, mirando e idea di modernismo cu e radio aki tin su tras. Y loke no tin duda, cu Erin Croes lo ta presentando su popular

programa di mainta BONDIA ARUBA, awor atraves di MAGIC FM.

Na final di e entrevista exclusivo aki, DJ Erin Croes a declara cu lo tin mas personanan profesional den nan ramo cu tambe lo forma parti di e team MAGICO, y cu pronto lo wordo anuncia oficialmente. Esakinan lo keda e gran sorpresa pa e oyentenan.

Por a compronde tambe for di


Erin Croes, cu e ta calcula cu dentro di 4 pa 6 siman lo por celebra e gran apertura di MAGIC FM. Actualmente ta sperando yegada di equiponan cu mester yega ainda, pa completa e preparacion completo di e emisora hoben aki.

DEN AMBIENTE ta desea Erin Croes y su crew profesional hopi exito cu nan radio nobo MAGIC FM 96.5..

CANAL 90 SU ULTIMO FORZA A KEDA DEN VOZ DI RUBEN "SCORPIO" GARCIA'..

**** E radio emisora FM mas popular y sintonisa den e decada di 80 y 90 ta sin duda Canal 90, esey no tin cuestion, debi cu nan tabata tin e mihor crew di djnan. Pero den e ultimo temponan aki hopi di e estrema djnan a bay laga e radio di tradicion. Por menciona algun di nan e.o. Aldrick Croes, Patrick Paskel, Ruben Traxx, Ivo Yanez y ultimamente Gen Bisslik y Erin Croes. Mester bisa cu apesar cu mayoria di e estreyanan aki a bay, toch ketu bay Canal 90 ta goza di sintonia danki na Ruben "Scorpio" Garcia.**

kende practicamente tin e ultimo voz, pasobra dia cu Ruben Garcia dicidi di bay laga Canal 90, anto e ora ey si cosnan a cuminsa bira hopi serio pa Canal 90. Tin prospecto- nan na caminda, pero mirando e competencia agresivo awendia den radio difusion na Aruba, Canal 90 mester cuminsa traha hopi duro si nan kier keda como e radio emisora number 1 na Aruba. Loke sigur nan tin cu cuminsa drecha anto den urgencia, ta MODERNISA nan sistema, pasobra e diferencia di calidad entre e demas radio emisoranan, muy particularmente den e parti importante cu ta propaganda, por sinti un diferencia di calidad inmensamente. Pero danki na e bon contactonan y carisma di Ruben Garcia y specialmente durante e temporada di carnaval y su incomparable programa "Aki Aya", te cu awor Canal 90 ketu bay tey!..



DJ GINA MADURO A BAY BIBA NA HULANDA..



**** Siman pasa a sali pa Hulanda e simpatica locutora Gina Maduro, kende a cosecha hopi exito cu su programa di mainta na TOP 95 FM. Gina Maduro lo bay establece su mes na Hulanda hunto cu su famia pa por lo menos 4 aña, asina DEN AMBIENTE por a compro-**

nde for di Gina Maduro. Durante su ultimo programa cu tabata diabierna siman pasa, hopi tabata su fiel oyentenan cu a yame y hasta a bin personalmente pa expresa nan bon deseonan y tambe a expresa cu nan lo bay haya hopi falta di dje den e oranan di mainta. E crew

di TOP 95 tambe a despedi di nan querida locutura den un forma masha ameno y ta desee tur clase di exito na Hulanda y cu ki ora cu e tin pensa pa bolbe for di tera frieu, su lugar semper tey den e SOLO MAS CAYENTE CU TA TOP 95..